

Na osnovu člana 24 Statuta Asocijacije kompozitora – muzičkih stvaralaca, Skupština Asocijacije kompozitora – muzičkih stvaralaca, na sjednici održanoj dana 23.10.2019. godine, donijela je

## **ODLUKU O IZMJENAMA I DOPUNAMA STATUTA**

### **Član 1.**

Član 2. mijenja se i glasi:

„Udruženje je organizacija za kolektivno ostvarivanje autorskih prava na muzičkim djelima, neprofitnog karaktera, koja u svoje ime a za račun svojih članova te svih drugih lica po bilo kojoj pravno valjanoj osnovi, ostvaruje na kolektivan način autorska prava povodom njihovih objavljenih muzičkih djela, osim onih lica koji su svoja prava i svoja djela izričito izuzeli iz kolektivnog ostvarivanja.

Osnovni principi Udruženja su tolerancija, demokratija, raznolikost, dobrovoljnost i otvorenost.

Udruženje je nestranačka, nevladina i neprofitna organizacija.

Udruženje djeluje u najboljem interesu svojih članova.“

### **Član 2.**

U članu 3. stav 2. mijenja se adresa sjedišta Udruženja, tako da zadnja tačka sada glasi:

“Sjedište Udruženja je: Sarajevo, ulica Trg solidarnosti 2a.”

### **Član 3.**

U članu 4. stav 2. mijenja se adresa sjedišta podružnice u Banja Luci, tako da isti sada glasi:

„Udruženje ima svoje podružnice u Bosni i Hercegovini i to:

Podružnicu u Banja Luci u ulici Veselina Masleše 1 i Podružnicu u Mostaru u ulici Kneza Branimira 6.”

Iza stava 4. dodaje se stav 5. koji glasi:

“Udruženje je član Međunarodne konfederacije društava autora i kompozitora (CISAC).

Ovaj Statut i svi drugi akti Udruženja moraju biti u skladu sa Profesionalnim pravilima i svim drugim primjenjivim pravilima CISAC-a.

Udruženje će poduzimati sva djelovanja koja od Udruženja podrazumjeva i zahtijeva članstvo u CISAC-u. Ima se smatrati da su sva ta objektivno opravdana djelovanja odobrena ovim Statutom iako nisu izričito navedena u ovom Statutu.

Udruženje se može učlanjivati i u druge srodne međunarodne organizacije odlukom Skupštine Udruženja.”

### **Član 4.**

U članu 7. mijenja se tačka 1. koja sada glasi:

- “okupljanje kompozitora, autora muzičkih djela i nosioca autorskih prava povodom muzičkih djela,”

U tački 18. briše se zadnja rečenica.

Tačka 19. mijenja se i sada glasi:

- “zaštita i kolektivno ostvarivanje autorskih prava članova Udruženja u skladu relevantnim pravnim normama kojima se uređuje materija autorskih i srodnih prava i kolektivnog ostvarivanja autorskih i srodnih prava,”

### **Član 5.**

U članu 8. iza riječi „na osnovu pisanog ugovora“ zarez se zamjenjuje tačkom, a preostali dio teksta briše.

### **Član 6.**

U članu 10. briše se stav 2.

Stav 3. postaje stav 2., mijenja se i sada glasi:

“Redovnim članovima Udruženja mogu postati autori muzičkih djela i drugi nosioci prava povodom muzičkih djela, koji su ugovorom povjerali Udruženju ostvarivanje svojih prava, koji to žele i koji prihvataju Statut Udruženja.”

Stav 4. postaje stav 3. i umjesto riječi “su” stavljaju se riječi: “mogu biti”.

Iza stava 3. dodaje se stav 4. koji glasi:

“Udruženje će ostvarivati autorska prava povodom muzičkih djela i onim licima koja su ugovorom povjerala ta prava na ostvarivanje Udruženju ili kojima Udruženje po drugom pravnom osnovu treba vršiti ostvarivanje autorskih prava povodom muzičkih djela, a koja lica ne žele ili iz bilo kog razloga ne mogu biti članovi Udruženja.”

### **Član 7.**

U članu 11. mijenja se stav 1. koji sada glasi:

“Redovnim članom Udruženja se postaje zaključivanjem ugovora između Udruženja i autora muzičkog djela odnosno nosioca autorskog prava povodom muzičkog djela gdje je predmet ugovora isključivi prenos svih prenosivih autorskih prava povodom svih muzičkih djela tog lica sa lica na Udruženje, a radi kolektivnog ostvarivanja tih prava od strane Udruženja u ime Udruženja, a za račun tog lica, te nakon manifestacije pravno relevantne volje lica za pristupanje u članstvo Udruženja kao i o prihvatanju odredbi Statuta i drugih relevantnih akata Udruženja.”

U stavu 2. se briše druga rečenica.

Stav 3. mijenja se i glasi:

“Lice dok je član Udruženja prihvata sve odredbe Statuta Udruženja te druge akte Udruženja dok god su isti u skladu sa relevantnim pozitivnim pravnim pravilima, te pristaje na sve postupke definisani u Statutu i drugim relevantnim aktima Udruženja kao i na sva ograničenja prava tog lica određena u Statutu i drugim relevantnim

aktima Udruženja koja su u skladu sa relevantnim pozitivnim pravnim pravilima.”

Iza stava 3. dodaje se stav 4. koji glasi:

“Prihvatanje članstva Udruženja od strane lica te djelovanje na način na koji djeluje član Udruženja stvaraju pretpostavku da lice u cijelosti i bez rezervacija prihvata Statut i akte Udruženja.”

Stav 4. postaje stav 5. i poslije riječi “u elektronskoj formi” dodaje se zarez i riječi “koja najmanje sadrži”

Stav 5. postaje stav 6.

### **Član 8.**

U članu 12. mijenja se tačka 2. tako da ista sada glasi:

- “prestankom ugovora između autora i Udruženja o ostvarivanju autorskih prava, ako isti nije produžen;”

Dodaju se tačke 3., 4. i 5. koje glase:

- “izuzimanjem iz kolektivnog ostvarivanja svih muzičkih djela i svih autorskih prava povodom muzičkih djela lica sukladno odredbama relevantnih pravnih pravila i ovog Statuta;”
- “prestankom bilo kog uslova za sticanje statusa člana Udruženja;”
- “izricanjem disciplinske mjere isključenja iz redovnog članstva od strane Suda časti Udruženja;”

Tačka 3. postaje tačka 6., umjesto tačke na kraju rečenice stavlja se zarez i dodaju riječi “ukoliko je član Udruženja pravno lice.”.

Dodaje se stav 2. koji glasi:

“Prestankom članstva i statusa redovnog člana Udruženja za individualno lice ne prestaje i ostvarivanje autorskih prava povodom muzičkih djela za to lice a izvršeno od strane Udruženja, osim ako to lice ne izuzme sva svoja muzička djela i sva svoja autorska prava povodom muzičkih djela iz kolektivnog ostvarivanja sukladno odredbama relevantnih pravnih pravila i ovog Statuta.“

### **Član 9.**

U članu 14. u tački 1. iza riječi “da biraju” dodaju se riječi “u skladu sa odredbama člana 21. ovog Statuta koje se odnose na pravo glasa od strane aktualnog člana Skupštine Udruženja”.

Iza tačke 5. dodaje se tačka 6. koja glasi:

- “ukoliko se kvalifikuju, da dobiju primjerenu naknadu za korištenje njihovih muzičkih djela od strane korisnika sukladno pravilima o raspodjeli naknade Udruženja,”

Tačke 6. i 7. postaju tačke 7. i 8.

### **Član 10.**

U članu 15. u stavu 1., iza tačke 3., dodaju se tačke 4. i 5. koje glase:

- “da prijave na propisanom obrascu Stručnoj službi sva svoja muzička djela;”
- “da obavijeste Stručnu službu Udruženja o svim promjenama ličnih podataka (kao što su između ostalog: mjesto prebivališta ili boravišta, broj bankovnog računa, e-mail adresu i broj telefona te drugi podaci od značaja za komunikaciju sa članom i za ostvarivanje prava člana;”

Tačka 4. postaje tačka 6.

Stav 2. se briše, dodaje se novi stav 2. koji sada glasi:

“Član Udruženja ne može ovlastiti drugo fizičko ili pravno lice da ostvaruju sadržaj njihovih autorskih prava u Bosni i Hercegovini ili inostranstvu individualno, bez da prethodno ne traže i dobiju saglasnost od Upravnog odbora Udruženja.”

Dodaju se stavovi 3., 4., 5., 6., 7., 8., 9., 10., 11., 12, 13., 14., 15. i 16. koji glase:

“Svaki član Udruženja ima dužnost i obavezu da se suzdržava od nanošenja štete imovini, materijalnim i nematerijalnim dobrima Udruženja, reputaciji Udruženja ili štetu bilo koje druge vrste i po bilo kojoj drugoj osnovi Udruženju i članovima Udruženja te ima obavezu da se prema drugim članovima Udruženja, zaposlenicima Udruženja kao i prema organima Udruženja ponaša moralno, profesionalno, primjereno, u dobroj volji i savjesno.”

“Svaki član Udruženja ima dužnost i obavezu da se suzdržava od činjenja krivičnih djela koja su nespojiva sa postojanjem državnog uređenja države Bosne i Hercegovine, sa postojanjem i djelovanjem Udruženja te koja su nespojiva sa ciljevima i djelatnostima Udruženja na bilo koji način, te ima obavezu da poštuje i ne vrijeđa autorska prava bilo kog drugog člana Udruženja ili bilo kojeg drugog fizičkog ili pravnog lica.“

“Protiv člana Udruženja koji povrijedi obaveze iz ovog člana, iz ovog Statuta, iz bilo kojih relevantnih pozitivnih pravnih normi te koji djeluje na način koji nije, po bilo kojoj osnovi i na bilo koji način, primjeren djelovanju člana može biti pokrenut disciplinski postupak i može biti donijeta disciplinska mjera od strane Udruženja za takvo djelovanje, odlukom Suda časti Udruženja.“

“Sud časti Udruženja može izreći sljedeće disciplinske mjere članu Udruženja:

- a) opomenu i,
- b) isključenje iz članstva u Udruženju.”

“Opomena je disciplinska mjera koju izriče Sud časti Udruženja članu Udruženja koji je svojim djelovanjem doveo do narušavanja ugleda Udruženja, poremećaja u radu Udruženja ili je Udruženju prouzročio imovinsku, materijalnu ili moralnu štetu bilo koje vrste, a ako posljedice takvog djelovanja člana Udruženja nisu takve da iziskuju isključenje iz članstva u Udruženju i ako se razumno može očekivati da taj član Udruženja neće nastaviti sa ponašanjem koji je rezultirao opomenom tom članu Udruženja u budućnosti.”

“Isključenje iz članstva u Udruženju je disciplinska mjera koju izriče Sud časti Udruženja članu Udruženja čija povreda obaveza prema ovom članu, Statutu,

relevantnoj pozitivnoj pravnoj normi ili po bilo kom osnovu a povodom djelovanja tog člana Udruženja ili navođenja drugog lica na takvo djelovanje je takve prirode i karakteristika da po ocjeni Suda časti Udruženja to djelovanje je u suprotnosti sa ciljevima i djelatnosti Udruženja, osuđenje zbog posebno nečasnog djela; je izazvalo ozbiljni poremećaj u radu, naškogidlo ugledu Udruženja te prouzrokovalo znatnu materijalnu ili bilo koju drugu štetu Udruženju, te usljed takvog djelovanja ne bi bilo primjereno da takvo lice nastavi biti član Udruženja.“

“Bilo koji član Udruženja ili zaposlenik Udruženja može pokrenuti disciplinski postupak protiv bilo kog člana Udruženja dostavljajući Upravnom odboru Udruženja pisani zahtjev za pokretanje disciplinskog postupka sa naznakom razloga za pokretanje postupka kao i ime člana Udruženja protiv koga se pokreće postupak te identitet člana Udruženja i zaposlenika Udruženja koji pokreće postupak.“

“Upravni odbor Udruženja će na sljedećoj redovnoj sjednici razmotriti zahtjev za pokretanje disciplinskog postupka. Ukoliko je zahtjev jasno neosnovan, Upravni odbor će odbaciti zahtjev za pokretanje disciplinskog postupka sa obrazloženjem. Ukoliko postoje bilo kakve indicije da bi zahtjev mogao biti opravdan Upravni odbor Udruženja će formirati Sud časti Udruženja za to pitanje, imenovati članove Suda časti Udruženja te uputiti slučaj tako oformljenom Sudu časti Udruženja na dalje postupanje.”

“Član Udruženja ili zaposlenik Udruženja koji su pokrenuli zahtjev za disciplinski postupak kao i član Udruženja protiv koga je pokrenut zahtjev za disciplinski postupak, na odluku iz prethodnog stava ovog člana, bez obzira koji njen sadržaj bio, mogu da ulože žalbu Skupštini Udruženja šest dana nakon što Upravni odbor obavijesti ta lica o svojoj odluci.“

“Svaki redovan član Udruženja može pokrenuti postupak pred nadležnim sudom ili drugim nadležnim organom za utvrđivanje ništavosti općeg akta Udruženja koji je donijet suprotno odredbama ovog Statuta ili drugog općeg akta Udruženja, a najkasnije u roku od šest mjeseci od dana donošenja tog akta.”

“Članovi Udruženja solidarno odgovaraju za svu štetu koju svojim djelovanjem prouzrokuju Udruženju, ukoliko je to djelovanje nastalo grubom nepažnjom ili sa namjerom da se šteta prouzrokuje Udruženju.”

“Članovi aktuelnog saziva Skupštine Udruženja solidarno odgovaraju za svu štetu koju odlukama koje su usvojili prouzrokuju štetu Udruženju, ukoliko su tu odluku donijeli grubom nepažnjom ili sa namjerom da prouzrokuju štetu Udruženju, osim ako prilikom donošenja odluke nisu izdvojili svoje mišljenje protiv te odluke u zapisnik.“

“Članovi Udruženja ne odgovaraju za obaveze Udruženja svojom imovinom, osim ako nije drugačije određeno relevantnim pozitivnim pravnim pravilima.“

“Član Udruženja ili bilo koje drugo lice koje, djelujući u ime i/ili za račun Udruženja, prouzroči drugom članu Udruženja ili trećim licima štetu, a lice je djelovalo grubom nepažnjom ili namjerom da prouzroči štetu će u cijelosti odgovarati i licu kome je nanio štetu i Udruženju za učinjenu štetu.“

## Član 11.

Član 16. se mijenja i glasi:

“Ugovorom o isključivom prijenosu autorskih prava povodom muzičkih djela autori i nosioci tih prava ovlašćuju Udruženje na isključivo ostvarivanje prenesenih prava na kolektivni način sa svim relevantnim korisnicima tih muzičkih djela putem neisključivih ugovora o iskorištavanju, korištenju odnosno upotrebi tih muzičkih djela, da na taj način daju dozvole takvim korisnicima na takvo djeloovanje i daju isključivo pravo i ovlaštenje da vrše naplatu pripadajućih naknada u skladu sa relevantnim pravnim pravilima, ovim Statutom te drugim aktima Udruženja.

U skladu sa Članom 15. i članom 16. Zakona o kolektivnom ostvarivanju autorskog i srodnih prava („Službeni glasnik Bosne i Hercegovine br. 63/10), Udruženje ne može odbiti zahtjev autora za zaključenje ugovora za kolektivno ostvarivanje prava iz oblasti svoje djelatnosti osim u slučaju da je autor već zaključio ugovor za kolektivno ostvarivanje svojih prava za teritoriju Bosne i Hercegovine sa stranom kolektivnom organizacijom.

Ugovor o ostvarivanju autorskih prava mora da sadrži naročito:

- odredbu o isključivom prijenosu svih prenosivih autorskih prava povodom svih muzičkih djela autora na Udruženje;
- nalog autora Udruženju da u svoje ime, a za račun autora, ostvaruje na kolektivan način prenesena prava;
- navođenje svih autorskih prava koja Udruženje ostvaruje za račun autora povodom muzičkih djela.

Vrijeme trajanja ugovora iz ovog člana ne može biti duže od pet godina. Poslije isteka trajanja ugovora iz prethodnog stava, ugovor se može neograničeno produžavati za iste periode.

Sadržaj i odredbe ugovora o ostvarivanju autorskih prava utvrđuje Upravni odbor Udruženja svojom odlukom.

Upravni odbor može, sukladno relevantnim odredbama pozitivnih pravnih pravila, u pojedinačnim slučajevima odobriti zaključenje ugovora o ostvarivanju autorskih prava koje odstupa od ovih općih pravila.”

## **Član 12.**

Član 17. mijenja se i sada glasi:

“Nijedno lice ne može iz kolektivnog ostvarivanja autorskih prava izuzeti svoja pojedina muzička djela ni pojedine oblike iskorištavanja, korištenja ili upotrebljavanja tih muzičkih djela, osim u slučaju kad je to izričito predviđeno konkretnim individualnim ugovorom između tog lica i Udruženja.”

## **Član 13.**

U članu 18. u stavu 1. na početku rečenice, umjesto riječi “Autor”, stavlja se riječ “Lice”.

Mijenja se stav 2. koji sada glasi:

“Obavještenje kojim lice izuzima iz kolektivnog ostvarivanja sva svoja autorska prava

povodom svih svojih muzičkih djela, usljed ozbiljnosti takvog djelovanja, mora biti ovjereno od strane notara ili nadležnog organa za ovjeru potpisa.”

Dodaje se stav 3. koji glasi:

“Udruženje će vršiti kolektivno ostvarivanje svih podobnih autorskih prava povodom muzičkih djela čiji nosioci su sva relevantna lica iz cijelog svijeta, osim samo onih lica koja su obavijestila Udruženje da izuzimaju sebe, svoja autorska prava i svoja muzička djela iz kolektivnog ostvarivanja.”

Dodaje se stav 4. koji glasi:

“Udruženje će ravnopravno i jednako tretirati ostvarivanje autorskih prava povodom muzičkih djela lica koja su članovi Udruženja i koji su ugovorom prenijeli na ostvarivanje ta prava na Udruženje sa licima čija autorska prava Udruženje ostvaruje na osnovu relevantnih odredbi relevantnih pravnih pravila kao i po bilo kojoj drugoj pravnoj osnovi.”

## **Član 14.**

U članu 19. mijenja se stav 1. koji sada glasi:

“Udruženje ostvaruje na kolektivni način i štiti autorska prava autora i drugih nosioca prava povodom autorskih muzičkih djela, u skladu sa pozitivnim pravnim pravilima kojima se uređuje materija autorskih i srodnih prava te kolektivno ostvarivanje autorskih i srodnih prava u skladu sa dozvolom Instituta za intelektualno vlasništvo Bosne i Hercegovine, u skladu sa ugovorom zaključenim sa autorom odnosno nosiocem prava o isključivom prenosu relevantnih autorskih prava radi ostvarivanja na kolektivni način istih prava od strane Udruženja, u skladu sa recipročnim ugovorima zaključenim sa drugim kolektivnim organizacijama iz inostranstva, u skladu sa relevantnim zakonskim odredbama Zakona o kolektivnom ostvarivanju autorskog i srodnih prava („Sl. glasnik BiH br. 63/10“) te svim drugim relevantnim pravnim osnovama a na teritoriji Bosne i Hercegovine.”

Dodaju se stavovi 2., 3., 4., 5., 6., 7., 8. i 9. koji glase:

“Na osnovu relevantnih pravnih normi, međunarodnih ugovora i ugovora Udruženja sa drugim inostranim kolektivnim organizacijama, Udruženje ostvaruje na kolektivni način i autorska prava povodom muzičkih djela inostranih autora i nosioca prava, a sve na teritoriji Bosne i Hercegovine.“

“Pored na osnovu relevantnih pravnih pravila kojima se uređuje kolektivno ostvarivanje autorskih i srodnih prava, Udruženje ostvaruje autorska prava povodom muzičkih djela stranih autora i nositelja autorskih prava povodom muzičkih djela na području Bosne i Hercegovine na temelju ugovora sa odgovarajućim inostranim organizacijama za ostvarivanje autorskih prava.“

“Udruženje ostvaruje autorska prava povodom muzičkih djela članova Udruženja i drugih relevantnih lica čija prava u BiH Udruženje po bilo kojoj relevantnoj i primjenjivoj pravnoj osnovi ostvaruje na kolektivni način, na temelju ugovora sa odgovarajućim inostranim organizacijama za ostvarivanje autorskih prava.”

“Jedinstvena načela, kriteriji, modaliteti i postupci ostvarivanja na kolektivni način autorskih prava autora i nosilaca prava povodom muzičkih djela jednako i bez diskriminacije se primjenjuju na sve autore i nosioce prava čija prava na bilo kojoj osnovi Udruženje ostvaruje.“

“Relevantna pitanja vezana za kolektivno ostvarivanje autorskih prava autora i

nosioca prava povodom autorskih muzičkih djela će biti uređeno Pravilnikom o ostvarivanju autorskih prava kojeg će donijeti Skupština Udruženja.”

“Član Udruženja kao i bilo koje drugo lice čija prava po bilo kojoj pravno valjanoj osnovi Udruženje ostvaruje na kolektivni način ne može da individualno ostvaruje za vrijeme trajanja ugovora ili postojanja pravne osnove po kojoj Udruženje vrši djelovanje ostvarivanja autorskih prava lica povodom muzičkih djela.“

“Udruženje ima obavezu da na zahtijev svakog korisnika ili Udruženja korisnika pod jednakim uslovima zaključi ugovor o neisključivom usputanju prava korištenja repertoara Udruženja.“

“Udruženje može usloviti zaključenje ovog ugovora da lice deponuje kod notara ili suda iznos u visini naknade za korištenje predmeta zaštite utvrđen tarifom.“

### **Član 15.**

U članu 20. u stavu 1. dodaje se tačka 5. koja glasi:

- „Sud Časti“

Dodaje se stav 2. koji glasi:

„Članom organa Udruženja ne može biti lice koje se nalazi u sukobu interesa sa Udruženjem.“

### **Član 16.**

U članu 21. mijenja se stav 2. koji sada glasi:

„Skupština Udruženja odluke donosi na sjednicama.“

Mijenja se stav 3. koji sada glasi:

“Skupštinu Udruženja čine svi članovi Udruženja, ali zbog velikog broja članova, po principu predstavljanja na sjednici Skupštine odlučuju samo članovi aktuelnog saziva Skupštine Udruženja.“

Mijenja se stav 4. koji sada glasi:

“Na svom prvom redovnom zasjedanju poslije predaje završnog računa Upravni odbor Udruženja će konstatovati koji članovi Udruženja su zadovoljili uslove za uvrštenje u aktuelni saziv Skupštine Udruženja za tu kalendarsku godinu, te će objaviti taj spisak članova aktuelnog saziva Skupštine Udruženja za tu kalendarsku godinu na web stranici Udruženja.“

Mijenja se stav 5. koji sada glasi:

“Član Udruženja koji je ostvario uslove iz ovog člana za uvrštenje u aktuelni saziv Skupštine Udruženja, a koji, iz bilo kog razloga nije uvršten u aktuelni saziv Skupštine Udruženja može uložiti žalbu u roku od šest dana od objave spiska članova aktuelnog saziva Skupštine Udruženja na web stranici Udruženja, Skupštini Udruženja. Odluka Skupštine Udruženja po ovom pitanju je konačna.“

Mijenja se stav 6. koji sada glasi:

“Uslovi da bi član Udruženja bio uvršten u aktuelni saziv Skupštine Udruženja su:

- a) da je državljanin Bosne i Hercegovine;
- b) da je član Udruženja najmanje tri godine;



c) za autore i pravne sljednike autora popularne muzike, da je individualno, u posljednje tri godine, prosječno ostvario iznos u novcu na ime tantijema ili naknada od ostvarivanja na kolektivan način autorskih prava povodom muzičkih djela koja je povjerio Udruženju na ostvarivanje, od Udruženja, a koji iznos je minimalno ekvivalentan ili veći od 0,1% ukupnog prihoda koji je Udruženje ostvarilo na ime svih naknada od kolektivnog ostvarivanja autorskih prava povodom muzičkih djela;

d) za autore i pravne sljednike autora isključivo klasične ili džez muzike, da je individualno, u posljednje tri godine, prosječno ostvario iznos u novcu na ime tantijema ili naknada od ostvarivanja na kolektivan način autorskih prava povodom muzičkih djela koja je povjerio Udruženju na ostvarivanje, od Udruženja, a koji iznos je minimalno ekvivalentan ili veći od 0,01% ukupnog prihoda koji je Udruženje ostvarilo na ime svih naknada od kolektivnog ostvarivanja autorskih prava povodom muzičkih djela.”

Mijenja se stav 7. koji sada glasi:

“Prava i obaveze članova aktuelnog saziva Skupštine Udruženja se stiču i/ili prestaju da važe objavljivanjem na web stranici Udruženja liste članova aktuelnog saziva Skupštine.”

Mijenja se stav 8. koji sada glasi:

“Svako lice čije autorsko pravo na muzičkom djelu se po bilo kojoj osnovi ostvaruje od strane Udruženja ima pravo da prisustvuje na sjednici Skupštine Udruženja.“

Mijenja se stav 9. koji sada glasi:

“Svako lice čije autorsko pravo na muzičkom djelu se po bilo kojoj osnovi ostvaruje od strane Udruženja ima pravo da učestvuje u diskusiji na sjednici Skupštine Udruženja. Pravo na učestvovanje u diskusiji se može ograničiti sukladno Poslovniku o radu Skupštine Udruženja.”

Mijenja se stav 10. koji sada glasi:

“Predsjednik Skupštine Udruženja ima pravo da odstrani bilo koje lice od prisustvovanja i/ili učestvovanja i/ili glasanja na sjednici Skupštine Udruženja sukladno Poslovniku o radu Skupštine Udruženja.”

Mijenja se stav 11. koji sada glasi:

“Zbog velikog broja članova Udruženja i radi produktivnosti te svrsishodnosti rada Skupštine Udruženja, pravo glasa na sjednici Skupštine Udruženja imaju samo članovi aktuelnog saziva Skupštine Udruženja.“

Mijenja se stav 12. koji sada glasi:

“Radom Skupštine rukovodi Predsjednik Skupštine, a u slučaju njegove odsutnosti Potpredsjednik Skupštine Udruženja, koje bira i razrješava Skupština Udruženja. “

Mijenja se stav 13. koji sada glasi:

“Mandat Predsjednika Skupštine i Potpredsjednika Skupštine Udruženja traje četiri godine, sa mogućnošću ponovnog izbora.”

Mijenja se stav 14. koji sada glasi:

“Skupština se sastaje najmanje jednom u toku kalendarske godine ili po potrebi i ima za cilj kontrolu rada Udruženja putem razmatranja izvještaja o radu Udruženja.”

Mijenja se stav 15. koji sada glasi:

“Skupštinu saziva Predsjednik Skupštine, najkasnije 10 dana prije njenog zasjedanja i istom predsjedava.”

Mijenja se stav 16. koji sada glasi:

“Predsjednik Skupštine je dužan sazvati Skupštinu u slučaju kada to zahtijeva najmanje najmanje 20% članova aktuelnog saziva Skupštine Udruženja, 33% svih redovnih članova Udruženja ili kada to zatraži Upravni odbor ili Nadzorni odbor Udruženja.”

Mijenja se stav 17. koji sada glasi:

“33% redovnih članova Udruženja iz prethodnog stava ovog člana se utvrđuje prema spisku članova Udruženja iz člana 11. ovog Statuta.”

Mijenja se stav 18. koji sada glasi:

“Ako Predsjednik Skupštine ne sazove Skupštinu u roku od 30 dana u slučajevima iz prethodnog stava, odluku o sazivanju Skupštine donosi Upravni odbor Udruženja.”

Mijenja se stav 19. koji sada glasi:

“Predsjednik Skupštine Udruženja može sazvati sjednicu Skupštine Udruženja koja će se u cijelosti održati putem telekomunikacijskih tehničkih oruđa – elektronsku sjednicu Skupštine Udruženja.

Način sazivanja, djelovanja, kvorum i način odlučivanja te druga relevantna pitanja će se urediti Pravilnikom o radu Skupštine.“

Dodaju se stavovi 20., 21., 22., 23., 24., 25., 26., 27., 28., 29., 30., 31., 32., 33., 34., 35., 36., 37., 38., 39., 40., 41., 42., 43., 44., 45. i 46. koji glase:

“Glasanje na sjednici Skupštine je javno ili tajno, što se utvrđuje na samoj sjednici Skupštine.“

“Prije početka rada Skupštine verificuje se prisustvo članova aktuelnog saziva Skupštine Udruženja na sjednici Skupštine.”

“Kvorum Skupštine čini 50%+1 članova aktuelnog saziva Skupštine Udruženja. Kvorum skupštine se dokazuje potpisivanjem članova aktuelnog saziva Skupštine koji su prisutni liste prisutnih, a koju listu na kraju potpisuju Predsjednik Skupštine Udruženja i Sekretar Udruženja te koja čini sastavni dio zapisnika o sjednici Skupštine.“

“Ukoliko se utvrdi da ne postoji kvorum, Predsjednik Skupštine konstatuje da nisu ispunjeni uslovi za održavanje i punovažno odlučivanje Skupštine, te zakazuje novu sjednicu Skupštine u roku koji ne može biti kraći od 3 ni duži od 15 dana.“

“Kvorum za novu sjednicu Skupštine čini 25%+1 članova aktuelnog saziva Skupštine Udruženja.”

“Skupština donosi odluke nadpolovičnom većinom prisutnih članova aktuelnog saziva Skupštine Udruženja.”

“Skupština Udruženja može odlučiti da pojedine odluke donosi kvalifikovanom većinom većom od većine iz prethodnog stava.“

“Na sjednici Skupštine vodi se zapisnik, u koji se unose svi podaci o radu Skupštine, a naročito tok diskusije, zaključci i podaci o glasanju.“

“Zapisnik potpisuje Predsjednik Skupštine Udruženja.”

“Način rada Skupštine, donošenje odluka u Skupštini te druga relevantna pitanja utvrdit će se Poslovníkom o radu Skupštine Udruženja, kojeg donosi Skupština.”

“Bilo koje lice koje ima pravo prisustvovati i/ili učestvovati u radu i/ili glasati na sjednici Skupštine Udruženja ima pravo da opunomoći bilo koje drugo fizičko lice da u njegovo ime i za njegov račun prisustvuje i/ili glasa na sjednici Skupštine Udruženja, ali ne i da učestvuje u radu Skupštine Udruženja.”

“Da bi bila priznata i da bi proizvodila pravno dejstvo punomoć iz ovog člana mora biti uredna i pravno valjana. Ta punomoć mora zadovoljiti sve uslove koji su propisani za valjanost punomoći kako u ovom Statutu tako i u svim relevantnim pozitivnim pravnim pravilima.”

“Punomoć iz ovog člana mora da obavezno sadrži:

a) identitet lica koje daje punomoć a koje ima pravo da prisustvuje i/ili učestvuje u radu i/ili glasa na toj sjednici Skupštine Udruženja, a najmanje ime i prezime, adresu prebivališta ili boravišta, identifikacioni broj (bilo da se radi o JMB-u ili broju pasoša ili broju lične karte, odnosno bilo kog drugog identifikacionog dokumenta) te sve druge identificirajuće podatke;

b) objašnjenje objektivnih razloga za spriječenost lica u pitanju da lično prisustvuje sjednici Skupštine Udruženja;

c) identitet lica kome se daje punomoć, a koji identitet lica će biti utvrđen na isti način na koji je utvrđen identitet lica koje daje punomoć;

d) jasnu naznaku da lice koje daje punomoć opunomoćuje lice kome se daje punomoć da prisustvuje i/ili glasa na sjednici Skupštine Udruženja, a sve u ime i za račun lica koje daje punomoć a koje je nosilac prava povodom kojeg opunomoćuje lice u pitanju u punomoći u pitanju;

e) datum davanja punomoći koji ne smije biti stariji od datuma obavještenja Predsjednika Skupštine Udruženja o sazivanju te konkretne sjednice Skupštine Udruženja;

f) potpis osobe koja daje punomoć, koji potpis mora biti notarski ovjeren ili ovjeren od strane nadležnog organa za ovjeru potpisa;

g) ukoliko se punomoć daje povodom glasanja na sjednici Skupštine Udruženja od strane lica koje ima pravo da glasa na toj sjednici Skupštine Udruženja, obavezni element punomoći jeste jasna instrukcija osobi kojoj se daje punomoć kako će da glasa po svakoj individualnoj tački dnevnog reda predviđenog za tu sjednicu Skupštine Udruženja, te upozorenje osobi kojoj je data punomoć da ne smije glasati na drugi način od načina na koji je naznačeno u punomoći, te instrukciju osobi kojoj se daje punomoć da se mora suzdržati od glasanja po svim drugim pitanjima pred sjednicom Skupštine Udruženja.”

“Punomoć iz ovog člana se dostavlja Sekretaru Udruženja najkasnije 48 (četrdeset i osam) sata prije zakazanog vremena i datuma početka sjednice Skupštine Udruženja.”

“Sekretar Udruženja će pregledati materijalnu i formalnu urednost punomoći te ima pravo da odbije punomoć i onemogući prisustvo i/ili glasanje na sjednici Skupštine Udruženja osobi čija punomoć nije uredna ili valjanja.“

“Sekretar Udruženja će konstatovati u zapisniku o sjednici Skupštine sve punomoći koje su mu dostavljene do naznačenog roka, urednost tih punomoći kao i punomoći koje je odbio zajedno sa razlozima za njihovo odbijanje te će uz zapisnik arhivirati sve originalne primjerke punomoći koje je prihvatio ali i koje je odbio.“

“Punomoć iz ovog člana vrijedi samo za jednu sjednicu Skupštine Udruženja za koju je data i ne može se koristiti na drugim sjednicama Skupštine Udruženja.“

“Punomoćnik ne može biti lice koje ima sukob interesa sa Udruženjem po bilo kojem osnovu.”

“Predsjednik odnosno Potpredsjednik Skupštine Udruženja će obratiti posebnu pažnju da se onemogući glasanje lica kojima je data punomoć, a kojim osobama nije mogla biti data punomoć.”

“Lice koje je dalo punomoć snosi solidarno moralnu, materijalnu i disciplinsku te potencijalno civilnu i krivičnu odgovornost za djelovanje osobe kojoj je dalo punomoć za vrijeme pravne valjanosti te punomoći.”

“Bilo koje lice koje ima pravo da prisustvuje i/ili učestvuje u radu i/ili glasa na sjednici Skupštine može prisustvovati i/ili učestvovati u radu i/ili glasati na sjednici Skupštine lično ili istovremeno i uživo putem telekomunikacijskog tehničkog uređaja. “

“Telekomunikacijski tehnički uređaj za ovaj oblik prisustvovanja i/ili učestvovanja u radu i/ili glasanja na sjednici Skupštine Udruženja, a koja nije elektronska sjednica Skupštine Udruženja, mora biti takve prirode i vrste da omogući jasno, nedvosmisleno, izvjesno determiniranje identiteta lica koje na ovaj način prisustvuje i/ili učestvuje u radu i/ili glasa na sjednici Skupštine Udruženja te mora tom licu omogućiti neometanu priliku da djeluje na analogan način kao da je lično prisustvo na sjednici Skupštine Udruženja.”

“Lice koje želi da koristi telekomunikacijski tehnički uređaj da na ovaj način prisustvuje i/ili učestvuje u radu i/ili glasa na sjednici Skupštine Udruženja mora iskazati takvu svoju želju Sekretaru Udruženja najmanje 48 sati prije planiranog početka sjednice Skupštine Udruženja te zadovoljiti sve druge korake propisane u Poslovniku o radu Skupštine Udruženja.“

“Svako lice koje na ovaj način prisustvuje i/ili učestvuje i/ili glasa snosi punu odgovornost za ispravnost telekomunikacijskog tehničkog uređaja koji koristi.“

“U slučaju da, na bilo koji način telekomunikacijski tehnički uređaj ne bude funkcionirao ili prestane funkcionirati pri sjednici Skupštine Udruženja, smatrati će se da takva lica koja su prisustvovala sjednici Skupštine putem telekomunikacijskih tehničkih uređaja su odsutna od trenutka zatajenja sa sjednice Skupštine Udruženja. Nefunkcionisanje ili prestanak djelovanja telekomunikacijskog tehničkog uređaja neće biti razlogom za prestanak sjednice Skupštine Udruženja, osim ukoliko utiče na kvorum sjednice Skupštine Udruženja, ali može biti na diskreciju Predsjednika Skupštine Udruženja.“

“Konkretna procedura, modalitet korištenja i djelovanja te druga relevantna pitanja povodom upotrebe telekomunikacijskih tehničkih uređaja za prisustvovanje i/ili učestvovanje u radu i/ili glasanje na sjednici Skupštine Udruženja će biti uređena u Poslovniku o radu Skupštine Udruženja.“

#### **Član 17.**

U članu 22. u stavu 1. tačka 7., iza riječi „u skladu sa“ briše se ostatak riječi i umjesto njih dodaju riječi „relevantnim pozitivnim pravnim normama i ovim Statutom“.

#### **Član 18.**

U članu 23. iza tačke 3. dodaju se tačke 4. i 5. koje glase:

- “ako svojom voljom istupi iz članstva u Udruženju;“
- “u slučaju izricanja disciplinske mjere isključenja iz članstva Udruženja;“

Tačka 4. postaje tačka 6., iza riječi “predviđenim” umjesto riječi “Zakonom” se stavljaju riječi “relevantnim pravnim pravilima”

#### **Član 19.**

U članu 24. u stavu 1. dodaju se riječi “Aktualni saziv” prije “Skupština Udruženja”, pa rečenica glasi: “Aktualni saziv Skupštine Udruženja”.

Dodaje se stav 2 koji glasi:

“Skupština Udruženja odlučuje dvotrećinskom većinom glasova prisutnih članova aktualnog saziva Skupštine:

- o izmjenama i dopunama Statuta;
- o dobrovoljnom prestanku rada Udruženja.”

Stav 2. postaje stav 3.

## Član 20.

U članu 25. stav 5. postaje stav 3.

Stav 3. postaje stav 4. i riječi "Skupština Udruženja" se mijenjaju sa "aktualni saziv skupštine Udruženja".

Stav 5. se mijenja i sada glasi:

"Opšti kvalifikacioni kriteriji za člana Upravnog odbora Udruženja su:

- a) da je državljanin Bosne i Hercegovine;
- b) da je član Udruženja najmanje pet godina;
- c) da ima prijavljenih najmanje 30 (trideset) svojih muzičkih djela kod Stručne službe Udruženja;
- d) da lice nije obuhvaćeno odredbom člana IX Stav (1) Ustava Bosne i Hercegovine;
- e) da lice nije osuđivano za krivično djelo i privredni prestup nespojiv sa dužnošću člana Upravnog odbora Udruženja;
- f) da ima najmanje srednju stručnu spremu u polju koje je kompatibilno sa obnašanjem uloge člana Upravnog odbora Udruženja;
- g) da poznaje najmanje jedan od službenih jezika CISAC-a;
- h) da nije član bilo kojeg organa Udruženja u vrijeme kandidature te da nije u isto vrijeme član bilo kojeg organa bilo koje druge kolektivne organizacije za kolektivno ostvarivanje autorskih, srodnih te autorskih i srodnih prava kao i svake druge organizacije koja se profesionalno bavi ostvarivanjem i/ili zaštitom autorskih, srodnih te autorskih i srodnih prava u zamjenu za novac ili druge ekvivalentne protuusluge;
- i) da licu nije prethodno izrečena bilo koja disciplinska mjera od strane Suda časti Udruženja koja nije spojiva sa vršenjem uloge člana Upravnog odbora Udruženja;"

Stav 6. se mijenja i glasi:

"Posebni kvalifikacioni kriteriji za člana Upravnog odbora Udruženja su:

- a) da ne postoji sukob interesa po bilo kojem osnovu između kandidata za člana Upravnog odbora i Udruženja;
- b) da se od kandidata za člana Upravnog odbora opravdano očekuje etičko i moralno postupanje u skladu sa najvišim pravilima prakse, struke, aktima Udruženja kao i pozitivnim zakonskim propisima;
- c) da je lice u svom dosadašnjem profesionalnom djelovanju doprinijelo napretku struke;
- d) da je lice u svom djelovanju do sada u okviru Udruženja demonstriralo predanost najboljim interesima Udruženja, članova Udruženja, te demonstriralo spremnost i predanost ostvarenju ciljeva i djelatnosti Udruženja;
- e) da je lice steklo opštu reputaciju među članovima Udruženja koja čini vjerovatnim da će lice moći da uspješno, kompetentno i svrsishodno vrši ulogu člana Upravnog

odbora Udruženja;

f) da je svaki aspekt dosadašnjeg djelovanja lica u okviru Udruženja ali i u onom što je poznato javnosti takvi da su općenito primjereni za i spojivi sa djelovanjem tog lica kao člana Upravnog odbora Udruženja.”

Stav 7. se mijenja i glasi:

“Zadovoljenje opštih i posebnih kvalifikacionih kriterija će utvrditi zasebna, ad hoc, Komisija za procjenu zadovoljenosti kvalifikacionih kriterija kandidata za člana Upravnog odbora Udruženja (Komisija). Komisija će se sastojati od tri člana koje će imenovati Predsjednik Skupštine Udruženja. Komisija će svoj izvještaj dostaviti Skupštini Udruženja na kojoj će na dnevnom redu biti izbor člana Upravnog odbora Udruženja.“

Stav 8. se mijenja i glasi:

“Predsjednik Upravnog odbora je onaj član Upravnog odbora koji je dobio najviše glasova članova aktuelnog saziva Skupštine Udruženja prilikom glasanja za članove Upravnog odbora.

Ukoliko član Upravnog odbora iz prethodnog stava ne prihvati funkciju Predsjednika Upravnog odbora, sljedeći član Upravnog odbora koji je dobio najviše glasova članova Skupštine prilikom glasanja za članove Upravnog odbora jeste Predsjednik Upravnog odbora.“

Stav 9. se mijenja i glasi:

“Članovi aktuelnog saziva Skupštine Udruženja će obratiti posebnu pažnju na zastupljenost među članovima Upravnog odbora autora svih vrsta muzike te na polnu, geografsku i drugu relevantnu zastupljenost.“

Bivši stav 8. postaje stav 10.

Bivši stav 9. postaje stav 11.

Bivši stav 10. postaje stav 12.

Bivši stav 11. postaje stav 13.

Bivši stav 12. postaje stav 14.

Bivši stav 13. postaje stav 15.

Bivši stav 14. postaje stav 16.

## **Član 21.**

U članu 26. u tački 18., riječ „Zakonom“ mijenja se riječima „relevantnim pravnim pravilima“.

## **Član 22.**

U članu 28. u stavu 1. iza tačke 3. dodaje se tačka 4. koja glasi:

- „u slučaju izricanja disciplinske mjere isključenja iz članstva Udruženja;”

Tačka 4. postaje tačka 5. i riječ „Zakonom“ mijenja se riječima „relevantnim pravnim pravilima“.

Dodaje se stav 3. koji glasi:

“Članstvo individualnog člana Upravnog odbora Udruženja može biti suspendovano za vrijeme trajanja mandata u slučajevima predviđenim Poslovníkom o radu Upravnog odbora a usljed povrede i nepoštivanja pravila Poslovníka o radu Upravnog odbora te odluka Upravnog odbora Udruženja.

Odluku o suspendovanju člana Upravnog odbora donose ostali članovi Upravnog odbora. Suspendovani član Upravnog odbora nema pravo da prisustvuje sjednicama Upravnog odbora niti da na bilo koji drugi način učestvuje u radu i glasanju Upravnog odbora te nema pravo na naknade za učestvovanje i rad u Upravnom odboru Udruženja.

Na prvoj redovnoj sjednici Skupštine, a nakon izricanja suspendovanja članstva u Upravnom odboru članu Upravnog odbora, članovi aktualnog saziva Skupštine mogu razmotriti takvu odluku.”

Dodaje se stav 4. koji glasi:

“Sva druga relevantna pitanja vezana za suspendovanje članstva člana Upravnog odbora će biti uređena Poslovníkom o radu Upravnog odbora.”

### **Član 23.**

U članu 30. nakon riječi „odluka Upravnog odbora“, umjesto tačke se stavlja zarez i dodaju se riječi „te druga pitanja od značaja za rad i djelovanje Upravnog odbora“

### **Član 24.**

U članu 33. u stavu 2. poslije riječi „bira“ umjesto riječi „Skupština“ stavljaju se riječi „aktualni saziv Skupštine Udruženja“.

Stav 3. se mijenja i sada glasi:

„Opšti kvalifikacioni kriteriji za člana Nadzornog odbora Udruženja su:

- a) da je državljanin Bosne i Hercegovine;
- b) da je član Udruženja najmanje pet godina;
- c) da ima prijavljenih najmanje trideset (30) autorskih muzičkih djela kod Stručne službe Udruženja;
- d) da lice nije obuhvaćeno odredbom člana IX Stav (1) Ustava Bosne i Hercegovine;
- e) da lice nije osuđivano za krivično djelo i privredni prestup nespojiv sa dužnošću člana Nadzornog odbora Udruženja;
- f) da ima najmanje srednju stručnu spremu u polju koje je kompatibilno sa obnašanjem uloge člana Nadzornog odbora Udruženja;
- g) da poznaje najmanje jedan od službenih jezika CISAC-a;
- h) da nije član bilo kojeg organa Udruženja u vrijeme kandidature te da nije u isto vrijeme član bilo kojeg organa bilo koje druge kolektivne organizacije za kolektivno ostvarivanje autorskih, srodnih te autorskih i srodnih prava kao i svake druge



organizacije koja se profesionalno bavi ostvarivanjem i/ili zaštitom autorskih, srodnih te autorskih i srodnih prava u zamjenu za novac ili druge ekvivalentne protuusluge;

i) da licu nije prethodno izrečena bilo koja disciplinska mjera od strane Suda časti Udruženja koja je nespojiva sa vršenjem uloge člana Nadzornog odbora Udruženja;”

Stav 4. se mijenja i sada glasi:

“Posebni kvalifikacioni kriteriji za člana Nadzornog odbora Udruženja su:

- a) da ne postoji sukob interesa po bilo kojem osnovu između kandidata za člana Upravnog odbora i Udruženja;
- b) da se od kandidata za člana Upravnog odbora opravdano očekuje etičko i moralno postupanje u skladu sa najvišim pravilima prakse i struke;
- c) da je lice u svom dosadašnjem profesionalnom djelovanju doprinijelo napretku struke;
- d) da je lice u svom djelovanju do sada u okviru Udruženja demonstriralo predanost najboljim interesima Udruženja, članova Udruženja, te demonstriralo spremnost i predanost ostvarenju ciljeva i djelatnosti Udruženja;
- e) da je lice steklo opštu reputaciju među članovima Udruženja koja čini vjerovatnim da će lice moći da uspješno, kompetentno i svrsishodno te prije svega diligentno vrši ulogu člana Nadzornog odbora Udruženja;
- f) da je svaki aspekt dosadašnjeg djelovanja lica u okviru Udruženja ali i u onom što je poznato javnosti takvi da su općenito primjereni za i spojivi sa djelovanjem kao član Nadzornog odbora Udruženja.”

Stav 5. se mijenja i sada glasi:

“Zadovoljenje opštih i posebnih kvalifikacionih kriterija će utvrditi zasebna, ad hoc, Komisija za procjenu zadovoljenosti kvalifikacionih kriterija kandidata za člana Upravnog odbora Udruženja (Komisija). Komisija će se sastojati od tri člana koje će imenovati Predsjednik Skupštine Udruženja. Komisija će svoj izvještaj dostaviti Skupštini Udruženja na kojoj će na dnevnom redu biti izbor člana Upravnog odbora Udruženja.”

Stav 6. se mijenja i sada glasi:

“Članovi Nadzornog odbora između sebe biraju predsjednika Nadzornog odbora.”

Stav 7. se mijenja i sada glasi:

“Članovi aktuelnog saziva Skupštine Udruženja će obratiti posebnu pažnju na zastupljenost među članovima Upravnog odbora autora svih vrsta muzike te na polnu, geografsku i drugu relevantnu zastupljenost.”

Stav 8. se mijenja i sada glasi:

“Članovi Nadzornog odbora ne mogu u isto vrijeme biti Predsjednik Skupštine, Potpredsjednik Skupštine ili članovi Upravnog odbora Udruženja.”

Stav 9. se mijenja i sada glasi:

“Sjednice Nadzornog odbora održavaju se prema potrebi, a istim predsjedava Predsjednik Nadzornog odbora.”

Stav 10. se mijenja i sada glasi:

“Sjednice Nadzornog odbora saziva Predsjednik Nadzornog odbora, ili na zahtjev Predsjednika Upravnog odbora Udruženja ili pojedinog člana Nadzornog odbora Udruženja.”

Stav 11. se mijenja i sada glasi:

“Pravilnikom o radu Nadzornog odbora se detaljno uređuju prava, obaveze i odgovornosti, način rada, glasanja, kvorum i pravila glasanja i donošenje odluka Nadzornog odbora, te druga pitanja od značaja.

Kvorum za održavanje sjednice Nadzornog odbora je natpolovična većina svih članova Nadzornog odbora.”

Stav 12. se mijenja i sada glasi:

“Članstvo individualnog člana Nadzornog odbora Udruženja može biti suspendovano za vrijeme trajanja mandata u slučajevima predviđenim Poslovnikom o radu Nadzornog odbora a usljed povrede i nepoštivanja pravila Poslovnika o radu Nadzornog odbora te odluka Nadzornog odbora Udruženja.

Odluku o suspendovanju člana Nadzornog odbora donose ostali članovi Nadzornog odbora. Suspendovani član Nadzornog odbora nema pravo da prisustvuje sjednicama Nadzornog odbora niti da na bilo koji drugi način učestvuje u radu i glasanju Nadzornog odbora te nema pravo na naknade za učestvovanje i rad u Nadzornom odboru Udruženja.“

Dodaje se stav 13. koji glasi:

“Na prvoj redovnoj sjednici Skupštine, a nakon izricanja suspendovanja članstva u Nadzornom odboru članu Nadzornog odbora, članovi aktualnog saziva Skupštine mogu razmotriti takvu odluku.”

Dodaje se stav 14. koji glasi:

“Sva druga relevantna pitanja vezana za suspendovanje članstva člana Nadzornog odbora će biti uređena Poslovnikom o radu Nadzornog odbora.”

Bivši stav 10 postaje stav 15.

Bivši stav 11. postaje stav 16.

Bivši stav 12. postaje stav 17.

## **Član 25.**

U članu 34. mijenja se stav 1. koji sada glasi:

“Udruženje ima Stručnu službu Udruženja za obavljanje stručnih i administrativno-tehničkih poslova u svrhu ostvarivanja na kolektivan način autorskih prava povodom muzičkih djela koji su po bilo kojoj osnovi povjereni Udruženju i zastupanja članova Udruženja, u poslovima i postupcima vezanim za ostvarivanje autorskih prava.”

U stavu 3. u tački 2. umjesto tačke na kraju rečenice stavlja se zarez i dodaju riječi: “kao i u ime Udruženja za račun članova Udruženja te u ime i za račun Udruženja”;

U stavu 3. u tački 5. umjesto riječi “javne izvedbe” se stavljaju riječi: “te drugih relevantnih ugovora sa korisnicima, a povodom iskorištavanja, korištenja odnosno upotrebe muzičkih djela u repertoaru Udruženja”

U stavu 3. u tački 12. poslije riječi “svih poreza” se dodaju riječi “i drugih primjerenih dadžbina”

U stavu 3. u tački 13. umjesto riječi “članovima Udruženja” stavlja se riječi “organima Udruženja, državnim organima, članovima Udruženja te drugim relevantnim licima;

U stavu 3. u tački 15. na kraju rečenice se dodaju riječi “i drugih relevantnih izvještaja”

U stavu 3. u tački 16. na kraju rečenice se dodaju riječi “ i Nadzornog odbora Udruženja”

Mijenja se stav 4. koji sada glasi:

“Za poslove kolektivnog ostvarivanja autorskih prava povodom muzičkih djela te zaštitu istih Stručna služba Udruženja koristi bazu podataka o korisnicima, autorima i autorskim djelima Udruženja i istu je dužna održavati i razvijati u skladu sa potrebama Udruženja.”

Mijenja se stav 5. koji sada glasi:

“Stručna služba će poslove obavljati u skladu sa Zakonom o autorskom i srodnim pravima („Službeni glasnik Bosne i Hercegovine br. 63/10“), Zakonom o kolektivnom ostvarivanju autorskog i srodnih prava („Službeni glasnik Bosne i Hercegovine br. 63/10“), međunarodnim pravilima i preporukama važećim za poslove kolektivnog ostvarivanja autorskih i srodnih prava, i drugim važećim propisima.”

U stavu 6. poslije riječi “ugovorima o radu” se stavlja tačka i briše se ostatak riječi.

## **Član 26.**

U članu 35. u stavu 3., umjesto riječi „finansijskog plana Stručne službe“ stavlja se riječi „finansijskog plana Udruženja“

Mijenja se stav 4. koji sada glasi:

“Generalni direktor Stručne službe:

- Ima ulogu naredbodavca za izvršenje tekućeg programa rada i finansijskog plana Stručne službe Udruženja;
- Organizuje proces rada i vodi poslovanje Stručne službe Udruženja u okviru obavljanja djelatnosti Udruženja, a u skladu sa odlukama Skupštine i Upravnog odbora;
- Neposredno organizuje i provodi poslove zaštite autorskih prava;
- Rukovodi radom Stručne službe Udruženja;
- Nalogodavac je za raspolaganje sredstvima i imovinom namijenjenom za poslove zaštite autorskih prava;
- Odobrava troškove vezane uz zaštitu autorskih prava;
- Neposredno nadzire rad računovodstvene službe za čiju je zakonitost odgovoran, a posebno je odgovoran za obračun i uplatu poreza i drugih javnih davanja, te zakonitosti isplate pojedinačnih autorskih naknada;
- U poslovima kolektivnog ostvarivanja autorskog i srodnih prava Generalni direktor Stručne službe predstavlja i zastupa Udruženje.”

Stav 6. se briše.

## **Član 27.**

Dodaje se član 35bis koji glasi:

**Sud časti Udruženja**

Sud časti Udruženja donosi odluke o disciplinskoj odgovornosti članova Udruženja te izriče disciplinske mjere prema članovima Udruženja.

Sud časti Udruženja se zasebno, ad hoc formira za svaki slučaj povrede obaveza člana Udruženja za koju je ovim Statutom predviđena disciplinska odgovornost i izricanje disciplinske mjere.

Sud časti Udruženja će se uvijek sastojati od tri člana. Pri tom, jedan od članova Suda časti Udruženja će biti Predsjednik Suda časti Udruženja, imenovan od strane organa koji imenuje članove Suda časti Udruženja. Mandat članova Suda časti traje do donošenja odluke o disciplinskoj odgovornosti člana Udruženja i izricanja disciplinske mjere članu Udruženja u pitanju.

Članove Suda časti Udruženja imenuje Upravni odbor Udruženja odlukom kojom pokreće disciplinski postupak i kojom saziva Sud časti Udruženja. Upravni odbor u Sud časti Udruženja može samo imenovati članove Udruženja koji:

- a) su članovi Udruženja najmanje tri godine;
- b) su državljani Bosne i Hercegovine;
- c) nisu obuhvaćeni odredbom člana IX Stava (1) Ustava Bosne i Hercegovine;
- d) nisu osuđivani za krivično djelo i privredni prestup nespojiv sa dužnošću člana Suda časti Udruženja;
- e) nemaju konflikt interesa vezan za slučaj koji će biti pred Sudom časti Udruženja;
- f) imaju moralni karakter, historijat, educiranost, učtivost te sve druge karakteristike člana Udruženja, posebno u vezi sa vršenjem dužnosti člana Suda časti Udruženja.

Upravni odbor Udruženja će aktivno izbjeći da imenuje člana Suda časti koji je pristrasan u smislu instituta krivičnog i građanskog procesnog prava. Ukoliko na bilo koji način Upravni odbor sazna da jedan ili više članova Suda časti su pristrasni, odlukom će bez odugovlačenja raspustiti Sud časti, staviti van snage sve odluke, ukoliko je Sud časti po bilo kojoj osnovi donio iste, obavijestiti o ovom pitanju druge organe Udruženja te sazvati novi Sud časti da razmotri prvobitno pitanje.

Isti član Udruženja ne može biti izabran da bude članom drugog Suda časti Udruženja dok je član već postojećeg Suda časti Udruženja. Nakon što se raspusti Sud časti Udruženja isti član Udruženja može, bez ograničenja, biti izabran za člana drugog Suda časti Udruženja.

Sud časti ima dužnost da djeluje nepristrasno i neovisno te da aktivno vodi pažnju da temeljito i sa svih strana sagleda pitanje koje je Sudu časti povjereno na odlučivanje. Sud časti će djelovati na pretpostavci da član Udruženja nije povrijedio obaveze iz ovog Statuta za koje je zapriječena disciplinska mjera, dok se suprotno ne dokaže. Onaj koji bilo šta tvrdi pred Sudom časti ima i teret dokazivanja da konkretno i dokaže ono što tvrdi. Sud časti procjenjuje sve okolnosti slučaja po slobodnoj ocjeni ali ima obavezu da obrazloži svaku svoju odluku koje donese.

Sud časti Udruženja svoje odluke donosi jednostavnom većinom članova Suda časti Udruženja.

Odluka Suda časti će se, u svojoj cijelosti, na dan njenog donošenja objaviti na web stranici Udruženja.

Bilo koje lice koje ima pravni interes povodom odluke Suda časti može u roku od šest dana izjaviti žalbu na odluku Suda časti Skupštini Udruženja. Odluka Skupštine Udruženja je konačna.

#### **Član 28.**

U članu 36. mijenja se tačka 2. koja sada glasi:

“naknade za korištenje autorskih muzičkih djela koje se naplaćuju od korisnika tih djela u skladu sa važećim pravilima Zakona o autorskom i srodnim pravima („Sl. glasnik BiH br. 63/10) i Zakonom o kolektivnom ostvarivanju autorskog i srodnih prava (Sl. glasnik BiH br. 63/10“);”

#### **Član 29.**

U članu 39. stav 1. iza tačke na kraju rečenice se briše tekst u zagradi.

#### **Član 30.**

U članu 40. briše se stav 2.

Stav 3. postaje stav 2.

U stavu 4. iza riječi „u istoj kalendarskoj godini“ briše se zarez i stavlja tačka i briše se ostatak riječi. Stav 4. postaje stav 3.

#### **Član 31.**

Član 42. mijenja se i glasi:

“Za obavljanje ostalih stručnih, administrativnih, knjigovodstvenih i drugih poslova Upravni odbor Udruženja, zajedno sa Generalnim direktorom Stručne službe Udruženja, nalazi mogućnosti i rješenja koja su u skladu sa relevantnim pozitivnim pravnim pravilima i principima racionalnog poslovanja. Radi izvršavanja određenih poslova, Upravni odbor može angažovati odgovarajuća stručna lica, uz naknadu.”

#### **Član 32.**

Mijenja se naziv poglavlja koji sada glasi:

### **XI PRAVILA RASPODJELE NAKNADA**

Mijenja se član 43. koji sada glasi:

“Sredstva prikupljena po osnovu autorskih naknada od korištenja autorskih muzičkih djela od strane Udruženja od korisnika muzičkih djela čine osnovu za raspodjelu naknada autorima i nosiocima prava čija autorska prava Udruženje ostvaruje na kolektivni način.

Od ovih sredstava se odbijaju troškovi obavljanja djelatnosti Udruženja. Strukturu troškova utvrđuje Upravni odbor Udruženja.

Udruženje najmanje jednom godišnje vrši raspodjelu naknada licima čija autorska prava povodom autorskih muzičkih djela Udruženje ostvaruje na kolektivni način, a sukladno pravilima o raspodjeli naknada.

Pravila o raspodjeli naknada ostvarenih od korisnika za iskorištavanje, korištenje odnosno uporebu muzičkih djela kolektivnim ostvarivanjem autorskih prava od strane Udruženja će se urediti Pravilnikom o ostvarivanju autorskih prava, a na osnovu pravila iz ovog Statuta, drugih akata Udruženja te svih relevantnih pozitivnih pravnih pravila.

Pravilnik o ostvarivanju autorskih prava usvaja Skupština Udruženja.”

### **Član 33.**

U članu 46. nakon riječi „u skladu sa“, umjesto riječi „Zakonom“ stavljaju se riječi „relevantnim pozitivnim pravnim pravilima“.

### **Član 34.**

Član 47. se mijenja i sada glasi:

“Inicijativu za izmjene i dopune Statuta može podnijeti najmanje 33% članova aktuelnog saziva Skupštine Udruženja, 50%+1 član ukupnih redovnih članova ili Upravni odbor Udruženja. Inicijativa se podnosi Skupštini Udruženja pisanim putem i sa odgovarajućim obrazloženjem. O izmjenama i dopunama Statuta odlučuje Skupština Udruženja dvotrećinskom većinom glasova prisutnih članova aktuelnog saziva Skupštine.”

### **Član 35.**

Član 48. se mijenja i sada glasi:

“Organi Udruženja mogu donositi akte i to:

- poslovnike,
- odluke i
- rješenja.

Akti Udruženja moraju biti u skladu sa relevantnim pozitivnim pravnim pravilima i Statutom Udruženja”

### **Član 36.**

U članu 49. nakon riječi „izričito utvrđeno“ umjesto riječi „Zakonom“ stavljaju se riječi „relevantnim pozitivnim pravnim pravilima“.

### **Član 37.**

U članu 56. u stavu 1. brišu se riječi „odredbama članova 51. i 52. Zakona o udruženjima i fonadacijama Bosne i Hercegovine“ i umjesto njih se stavljaju riječi „relevantnim pozitivnim pravnim pravilima“.

Stav 2. se mijenja i glasi:

“Odluku o dobrovoljnom prestanku rada Udruženja donosi Skupština Udruženja 2/3 većinom prisutnih članova aktuelnog saziva Skupštine Udruženja.”

### **Član 38.**

U članu 59. stav 2., briše se tačka na kraju rečenice, stavlja zarez i dodaju riječi: „osim u onim slučajevima u kojima bi takvim uvidom bila obznanjena poslovna tajna Udruženja, u kom slučaju uvid će se odbiti sa obrazloženjem, na koji član u pitanju ima pravo žalbe Skupštini Udruženja u roku od šest dana od odbijanja uvida.”

Iza stava 3. dodaje se stav 4. koji glasi:

“Udruženje će objaviti i držati objavljen na web stranici Udruženja spisak svih članova Udruženja, spisak članova aktuelnog saziva Skupštine Udruženja, te članove Upravnog odbora i Nadzornog odbora Udruženja. “

Dodaje se stav 5. koji glasi:

“Udruženje će pružiti obavještenje o svom repertoaru i o uslovima pod kojima ostvaruje prava svakom zainteresovanom korisniku ili drugom licu koje za to ima pravni interes, ako drugačije ne bude određeno drugim aktom Udruženja.“

Stav 4. postaje stav 6.

### **Član 39.**

Iza člana 59. dodaje se poglavlje XX – POSLOVNA TAJNA i član 60. koji glasi:

“Organi Udruženja mogu proglasiti pojedine podatke poslovnom tajnom Udruženja, u skladu sa Pravilnikom o poslovnoj tajni.

Poslovnom tajnom Udruženja naročito se smatraju:

a) svi podaci koje Skupština Udruženja, Upravni odbor Udruženja, Nadzorni odbor Udruženja i Generalni direktor Stručne službe Udruženja izričitom odlukom proglase poslovnom tajnom;

b) podaci koje nadležno državno tijelo saopšti Udruženju ili bilo kom organu Udruženja pod povjerenjem i u očekivanju držanja podatka u pitanju u povjerenju;

c) podaci koje član Udruženja ili bilo koje drugo lice saopšti Udruženju po bilo kojoj osnovi sa očekivanjem držanja podatka u pitanju u povjerenju i tajnim;

d) pojedinačni iznosi uplaćeni pojedinim članovima Udruženja na ime tantijema;

e) svi podaci koje bi, da im raspoložu po bilo kojoj osnovi, državni organi morali čuvati kao tajnu;

f) isprave i podaci bilo koje vrste čije bi saopštavanje neovlaštenoj ili bilo kojoj osobi bilo protivno interesima Udruženja, najboljim interesima svih članova Udruženja, najboljim interesima članova Udruženja na koje se podaci odnose;

g) svi podaci koji su opštim aktima Udruženja utvrđeni kao poslovna tajna;

- h) svi podaci koji se imaju smatrati tajnim u krivičnim i građanskim postupcima;
- i) podaci koji su postali dostupni Udruženju usljed povrede obaveze za čuvanje tajne bilo koje osobe, po bilo kojoj osnovi i na bilo koji način;
- j) privatni podaci i podaci za koje članovi Udruženja imaju razumnu osnovu da smatraju elementima svoje privatnosti;
- k) svi podaci povodom kojih lice može da stekne neovisnu imovinsku korist;
- l) podaci koje ovaj Statut, drugi akt Udruženja ili bilo koje relevantno pozitivno pravno pravilo dezinira poslovnom tajnom.

Obaveza je i poslovnu tajnu Udruženja moraju čuvati svi članovi Udruženja, organi Udruženja, zaposlenici Udruženja, vanjski saradnici Udruženja kao i sva druga lica koja po bilo kojoj osnovi su povezana sa Udruženjem, bez obzira kako su saznali za poslovnu tajnu, dok ne budu ovlašteni da iznesu podatke u pitanju i u granicama ovlasti za iznošenje podataka u pitanju od strane nadležnog organa ili tijela.

Obaveza čuvanja poslovne tajne Udruženja postoji i nastavlja se i nakon prestanka članstva, ugovora o radu, drugog ugovora o poslovnoj i drugoj saradnji ili bilo kakvog pravnog odnosa na osnovu koje i povodom koje je lice postalo upoznato sa poslovnom tajnom, vječno, dok je podatak poslovna tajna Udruženja.

Može biti uslov za uspostavljanje bilo kakvog odnosa sa Udruženjem, te postankom člana organa Udruženja kao i sam čin saopštavanja poslovne tajne Udruženja prethodno potpisivanje ugovora ili pristanak na bilo koji način na prihvatanje obaveze od strane lica kome biva saopštena poslovna tajna Udruženja na ugovorenu kaznu ili penal u slučaju obznanjivanja na bilo koji način poslovne tajne Udruženja. Visinu penala za obznanjivanje poslovne tajne Udruženja na bilo koji način će utvrditi Generalni direktor Stručne službe Udruženja za poslovne tajne koje se tiču Stručne službe Udruženja, a Predsjednik Upravnog odbora Udruženja za sve druge poslovne tajne Udruženja.

Pored isplate penala iz ovog člana povodom neovlaštenog obznanjivanja poslovne tajne Udruženja lice koje obznani poslovnu tajnu Udruženja na bilo koji način, svojim djelovanjem ili nedjelovanjem, propuštanjem za djelovanje ili šutnjom, posredno ili neposredno bilo kom licu u bilo koje vrijeme, to lice će nadoknaditi svu štetu koja je takvim djelovanjem takvog lica nastala, a lice pristankom na ulazak u pravni odnos sa Udruženjem, te pristankom na penal pristaje na takvu odgovornost svom svojom imovinom.

Relevantna pitanja vezana za poslovnu tajnu Udruženja se uređuju Pravilnikom o poslovnoj tajni Udruženja, kojeg usvaja Skupština Udruženja.“

#### **Član 40.**

Iza člana 60. dodaje se poglavlje XXI – SUKOB INTERESA ČLANOVA I DRUGIH LICA SA UDRUŽENJEM i član 61. koji glasi:



“Sva lica koja su u pravnom odnosu sa Udruženjem po bilo kojoj osnovi, a posebno članovi Udruženja, imaju opštu obavezu da aktivno izbjegavaju sukob interesa između sebe i svog djelovanja i djelovanja Udruženja. Povreda ove obaveze predstavlja povredu ovog Statuta i predstavlja osnovu za disciplinski i svaki drugi primjeren postupak prema licu u pitanju.

Ukoliko postoji sukob interesa ili mogućnost za sukob interesa lice koje je u sukobu interesa ili kod koga postoji mogućnost za sukob interesa dužno je obavijestiti o mogućem sukobu interesa pisano Nadzorni odbor Udruženja o toj činjenici. Povreda ove obaveze predstavlja povredu ovog Statuta te osnovu za disciplinski i svaki drugi primjeren postupak prema licu u pitanju.

Odluku o postojanju ili nepostojanju sukoba interesa po bilo kojoj osnovi i na bilo koji način donosi Nadzorni odbor Udruženja. Nadzorni odbor Udruženja će o svojoj odluci o postojanju sukoba interesa između lica i Udruženja obavijestiti Predsjednika Skupštine Udruženja, Upravni odbor Udruženja i Generalnog direktora Stručne službe Udruženja.

Smatrati će se da neophodno postoji sukob interesa između lica i Udruženja u sljedećim slučajevima:

- a) ukoliko zaposlenik Stručne službe Udruženja jeste ili bude član Udruženja;
- b) ukoliko član Udruženja na bilo koji način postane zaposlenik Stručne službe Udruženja;
- c) ukoliko član bilo kojeg organa Udruženja bude u isto vrijeme član bilo kojeg organa bilo koje druge kolektivne organizacije za kolektivno ostvarivanje autorskih, srodnih te autorskih i srodnih prava kao i svake druge organizacije koja se profesionalno bavi ostvarivanjem i/ili zaštitom autorskih, srodnih te autorskih i srodnih prava u zamjenu za novac ili druge ekvivalentne protuusluge;
- d) u onim slučajevima i po onim pitanjima u i po kojima organ Udruženja raspravlja o individualnom članu Udruženja ili licu u pitanju;

Kao kriterij za postojanje sukoba interesa uzeti će se isti kriteriji kao kod državnih službenika te sudija i tužilaca, odnosno sva druga pravila kojima se u Bosni i Hercegovini uređuje sukob interesa po bilo kom osnovu.

Ukoliko Nadzorni odbor Udruženja utvrdi da postoji sukob interesa proslijediti će na daljnje postupanje Upravnom odboru Udruženja.

Upravni odbor, po obavještenju od Nadzornog odobora iz ovog člana o postojanju sukoba interesa između lica i Udruženja, će donijeti odluku o saniranju sukoba interesa između lica i Udruženja kao i povodom odluka i djelovanja koje je lice izvelo za vrijeme trajanja sukoba interesa.

Ukoliko je sukob interesa bio između člana Udruženja i Udruženja Upravni odbor Udruženja će uputiti pitanje Sudu časti Udruženja da razmotri djelovanja člana u pitanju i da eventualno disciplinski sankcioniše člana ukoliko postoje osnovi za to, a usljed povreda obaveza iz ovog člana te ukoliko djelovanje člana Udruženja u sukobu interesa je bilo takve prirode da je primjereno sankcionisati člana Udruženja zbog takvog djelovanja.“

**Član 41.**

Član 61. postaje član 62.

**Član 42.**

Član 62. postaje član 63.

**Član 43.**

Ostale odredbe Statuta ostaju nepromijenjene.

**Član 44.**

Ova Odluka stupa na snagu danom donošenja.

**Sarajevo, XX.XX.2019. godine**  
**Broj: SO-XX/19**

**PREDSJEDNIK SKUPŠTINE AMUS-A**

---